

◎中國篇：共三十人投稿計四十首

* 以下人名是以收到詩的時間來排列

(一) 作者：蝶依

臘鼓驚心歲幾遷，平生不廢是書田。閒拋俗務吟松月，愛讀新詩聽石泉。
自昔相看人並健，於今未信夢難圓。白頭老父祈無恙，且向維摩乞藥箋。

(二) 作者：陳蘆馨

稱病閒居隔市塵，愛鄉也解詠山川。蒔花養性甘蟲夢，翦燭裁詩理蠹篇。
太息貪官財不缺，豈云貧戶瓦難全。但祈眾志匡時弊，海甸澄清及盛年。

(三) 作者：來去一陣風

歲末京城吠犬癲，西方說客煽狼煙。近來匯率聞風漲，可置肥豬好過年？

(四) 作者：南山一松

喜接金豬司瑞年，山鄉鞭炮響連天。千家美酒飛香雪，百里高樓繞紫煙。
忽憶先賢思廣廈，頓知黎庶樂陶然。人間正道多詩意，四海升平是浩篇。

(五) 作者：llkxcn

望眼朦朧半壁川，銘心往事問來年。朝朝水墨貽他國，歲歲民工討命錢。
何故草根生苦海，皆因世代泡黃連。疑心竟是南山馬，曠野英雄閑舉鞭。

(六) 作者：長歌橫海

海外浮雲白日懸，鴿鈴杳杳動經年。可憐二度無消息，倦眼望塵懶著鞭。

(七) 作者：香港人

晨昏幾許不知年，花信偏教落陌田。尚感殘陽陪冷枕，堪憐缺月度孤天。
牆蛛網結時難捕，庭葉圈迴夢未編。待得冬風寒絕後，縱迎春雨也淒然。

(八) 作者：lublu

佳節人潮歡喜天，張燈結彩慶新年。春隨花信鶯先覺，風拂綠茵紅欲燃。
嫵媚青山迎俊秀，溫柔靜夜共嬋娟。十年苦讀今朝顯，立業成家好夢圓。

(九) 作者：wklfks

佳期每至不成眠，歲月留痕意悵然。憶念團圓今已逝，何妨如水任隨緣。

(十) 作者：汨羅江

(一)

長樓海角送華顛，一飲杯盤又隔年。爆竹聲喧騰戶外，寒梅綻放舞風前。
門楣新貼迎春字，童稚歡分壓歲錢。未許塵囂干夙願，心安即是小神仙。

(二)

爆竹聲喧欲震天，城開不夜鬥春妍。萬民競許小康願，百姓同期大有年。
積潤山容新黛綠，生波水面碧紋鮮。東君若肯長留此，一柱清香配水仙。

(十一) 作者：鐘寧

迎新送舊感時遷，鏡裡衰顏白髮憐。自忖心寬身尚健，還祈國泰政安然。
閒來運筆攻書法，興至敲詩效謫仙。最喜兒妻生犬子，舉家融樂慶豐年。

(十二) 作者：拍手笑東風

依窗提筆心中事，萬戶千村客未還。又是一年新歲至，東風莫負綠桑田。

(十三) 作者：任 翹

(一)

除夕家家忙過年，舊符清洗換新聯。春回暖躡千山笑，冬去寒消萬物妍。
兩岸交流成效偉，三通拒絕作風偏。果能更轍求融洽，生活提升在眼前。

(二)

爆竹聲中又一年，蝸蟻國事慟心田。黨爭難斷民真苦，生活維艱官不賢。
府院念茲增賦稅，萑苻猖獗少安全。烏金值歲財恆足，應可絕貪紓倒懸。

註：「烏金」豬也

(十四) 作者：鄧鎮湘

(一)

莫醉新春夢綠天，藍橋鵲去更堪憐。豪門織女勤堆錦，貧戶牛郎舞獨鞭。
帝府庫虛頻釋股，皇親薪少急營錢。縱然修到通仙籍，天上亦難枕臂眠。

(二)

歲暮迎春浪捲天，爭鋒藍綠幾風煙。名非不正謀新正，地是尊川自鎖川。
估客含愁愁用忍，頭家有夢夢難圓。夷洲莫問沉淪淚，流水載舟亦覆舟。

(十五) 作者：謝 泓

儒宗奉聖數千年，孔子薪傳雅博淵。世紀思潮和乃貴，人倫教化禮為先。
鄰邦漢學周全起，國際華文廣泛延。亥歲迎新臨勝境，大同拱護樂堯天。

(十六) 作者：陳冠甫

迎神封豕過新年，竹報平安響徹天。去腐肅貪心願景，民情所向在春前。

(十七) 作者：蔣滌非

(一)

又逐金豬感萬千，黔黎失業六餘年。何時經濟能興起，生活無憂喜欲顛。

(二)

藍綠只爭權，萬民烈火煎。今生希望渺，難以見堯天。

(十八) 作者：瀟湘野鶴

(一)

星移斗換又新年，往事縈懷夜失眠。貪腐無能欣不已，勤廉有守嘆徒然。
民情罔顧清和濁，國政惟圖利與權。追首撫今難入夢，何時重睹舜堯天。

(二)

犬吠聲中過一年，政壇紛亂史無前。爭權攘利何時了，三炷清香問祖先。

(十九) 作者：姚植

(一)

開門設案逐新年，祭禱香焚爆竹煙。此日春回雲貌逸，今朝歲盡水容妍。
三陽啓泰皆為樂，萬物陳新恐是仙。地脈騷心生淑氣，中韓日鷺白雲天。

(二)

丁亥紅塵換舊年，人間餞臘碧雲天。東郊瑞靄隨神筆，北陌祥光落錦箋。
送舊樽傾花剪彩，迎新戶韻柳生煙。中韓鷺侶牙檣動，勝日徐看遠思牽。

(二十) 作者：李能學

(一)

松濤颯颯草阡阡，蕊蕊梅花迎大千。昔日湖山春又到，今朝嫩柳斗妖妍。
且忘嬌媚花前月，莫嘆蹉跎白髮憐。嫋嫋東風歌大地，鷗盟騷客慶新年。

(二)

感慨韶華又一年，湖山對我不勝憐。半生戎馬蹉跎過，一事無成嘯九天。
國政荒唐憂感感，孤臣浩嘆淚漣漣。海天寥落閑雲去，寂寂愴然夜難眠。

(二十一) 作者：李春初

狗年年末接豬年，逐歲騷人感萬千。國事蝸蟻無自反，民生凋敝有誰憐。
應將政教良規立，莫使工商妙策捐。渴望時英同奮起，中興漢祚補蒼天。

(二十二) 作者：劉力青

(一)

大現風潮鬼計先，為名要利折人前。暗留災禍知非及，明使陰謀罪患連。

倒爾聲浪還未止，醒身群眾出頭天。梅香柳絮全民望，將至輝煌勝往年。

(二)

惡雨摧花葉受災，湧振人心對爾來。身外輝光何處用，自殘命脈鬼門關。
邪神把玩終除害，正氣宏揚馬上臺。去腐生新今有望，豐年必現萬民恢。

(二十三) 作者：柯兆榜

(一)

揭弊人多感觸深，迎新我亦苦長吟。是非錯亂源無恥，事弗循規德自沉。

(二)

六年政績餘空白，民益貧窮扁愈奢。碗麵能糊家五口，千金一飯擲如沙。

(二十四) 作者：安化

寶島春來早，喧囂又一年，杯斟延壽酒，筆寫感懷篇。

日暖花爭放，風和鳥競旋，看山聊自遣，縱目旅愁牽。

(二十五) 作者：momo

隨緣多曲折，際遇少團圓。雁字乘雲後，魚書逐浪前。

金豬迎喜日，蒼狗跨豐年。歲月人浮事，晨昏老半天。

(二十六) 作者：蘇心絃

欣逢大有是丁年，廣進財源累萬錢。但願工商同發達，民豐國裕慶連連。

(二十七) 作者：璐西

隆冬翠竹題新歲，應接春花好過年。臘鼓頻催桑柘老，回眸猶見碧雲天。

(二十八) 作者：落梅

(一)

飲散離亭君黯去，紅消翠減又新年。慊慊懷遠羅衫窄，為報知音挑斷弦。

(二)

永夜不成通夢曉，平朝著意費熬煎。撫菱懶將蛾眉掃，執筆差情入素箋。

(二十九) 作者：豐原

人著棉衣樹塗白，山風落葉舞翩躚。紅梅迎雪孕新蕾，報導春花將更妍。

(三十) 作者：蘇堤春柳

懶話獨裁悲老薩，欣看牛市上中天。一番感慨迎新雪，幾許傷情別舊年。

降價無期望樓歎，安居有夢共愁眠。天將好運呈來歲，財富文章應兩全。